

四庫全書

子部

欽定四庫全書

子部

御纂醫宗金鑑卷二十二

詳校官太醫院吏目臣周世泰

編修臣倉聖脉覆勣

總校官中書臣朱 鈐

校對官中書臣毛鳳儀

謄錄監生臣王增賢

欽定四庫全書

御纂醫宗金鑑卷二十二

訂正仲景全書金匱要畧註下之一目錄

黃疸篇第十六

大黃硝石湯

茵陳五苓散

茵陳蒿湯

硝石礬石散

梔子大黃湯

豬膏髮煎

嘔吐噦下利篇第十七

豬苓散

小柴胡湯

四逆湯

茱萸湯

半夏瀉心湯

半夏乾薑湯

黃芩加半夏生薑湯

大黃甘草湯

生薑半夏湯

文蛤湯

大半夏湯

茯苓澤瀉湯

橘皮竹茹湯

橘皮湯

通脈四逆湯

訶黎勒散

小承氣湯

白頭翁湯

桃花湯

桂枝湯

梔子豉湯

紫參湯

瘡癰腸癰浸淫篇第十八

薏苡附子敗醬散

大黃牡丹湯

王不留行散

黃連粉

跌蹶手指臂腫轉筋陰狐疝蚘蟲篇第十九

藜蘆甘草湯

雞屎白散

蜘蛛散

甘草粉蜜湯

烏梅丸

御纂醫宗金鑑卷二十二目錄

欽定四庫全書

御纂醫宗金鑑卷二十二

訂正仲景全書金匱要畧註下之一

黃疸病脈證并治第十六

寸口脈浮而緩浮則為風緩則為痺痺非中風四肢苦  
煩脾色必黃瘀熱以行跌陽脈緊而數數則為熱熱則  
消穀緊則為寒食即為滿尺脈浮為傷腎跌陽脈緊為  
傷脾風寒相搏食穀即眩穀氣不消胃中苦濁濁氣下

流小便不通陰被其寒熱流膀胱身體盡黃名曰穀疸  
額上黑微汗出手足中熱薄暮即發膀胱急小便自利  
名曰女勞疸腹如水狀不治心中懊懣而熱不能食時  
欲吐名曰酒疸

註寸口脈浮而緩浮則為風緩則為痺痺非中風前  
已詳言之矣今跌陽緊數而尺脈浮四肢苦煩身  
面色黃乃疸病也黃土色也土病則見之土屬脾  
胃脾為陰土主濕胃為陽土主熱故凡病疸皆為

濕癢熱鬱也行於外則必四肢苦煩身面發黃也  
蓋其人素有濕熱外被風寒相搏內為女勞所傷  
及食穀飲酒或與濕癢或與熱鬱皆能為是病也  
若胃脈數是熱勝於濕則從胃陽熱化熱則消穀  
故能食而謂之陽黃若胃脈緊是濕勝於熱則從  
脾陰寒化寒則不食故食即滿而謂之陰黃也陽  
黃則為熱疸酒疸陰黃則為女勞疸穀疸也若尺  
脈不沉而浮則為傷腎腎傷病疸亦為女勞疸也

胃脈不緩而緊則為傷脾脾傷病疸亦為穀疸也  
穀疸則食穀即滿穀氣不消胃中苦濁清氣阻於  
上行故頭眩也濁氣流於膀胱故小便不通也女  
勞疸則額上黑腎病色也微汗出濕不瘥也五心  
熱薄暮發腎陰熱也膀胱急小便利下焦虛也腹  
滿如水狀脾腎兩敗故謂不治也若心中懊懣熱  
不能食時欲吐小腹滿小便不利雖見目青面黑  
必是酒疸病也

脈沉渴欲飲水小便不利者皆發黃

註脈沉主裏也渴欲飲水熱瘕也小便不利濕鬱也  
熱瘕濕鬱於裏故發黃也首條謂脈浮緩緊數皆  
令發黃是得之於外因也此條脈沉亦令發黃是  
得之於內因也故治黃有汗下二法也

集註李炆曰脈沉而渴渴欲飲水小便不利則濕熱內  
蓄無從分消故發黃也

疸而渴者其疸難治疸而不渴者其疸可治發於陰部

其人必嘔發於陽部其人振寒而發熱也

註 未成疸前小便不利而渴者是欲作疸病也已成  
疸後而渴者是熱深不已故難治也不渴者是熱  
淺將除故可治也疸發於陰者人必嘔逆嘔逆者  
陰裏為之也發於陽者人必振寒發熱寒熱者陽  
表為之也此以渴不渴別疸之難治可治以嘔逆  
寒熱辨黃之在表在裏也

集註

程林曰黃家以濕熱相搏有口燥鼻燥而未至於

渴渴則津液內消邪氣獨勝不渴則津液未竭正氣未衰治之所以分難易也陰主裏濕勝於裏則嘔陽主表熱勝於表則振寒發熱也此條辨痘證之渴與不渴有輕重表裏之分也

尤怡曰痘而渴則熱方熾而濕且日增故難治不渴則熱已減而濕亦自消故可治陰部者裏之藏腑關於氣故嘔陽部者表之軀殼屬於形故振寒而發熱此陰陽內外淺深微甚之辨也

腹滿舌痿黃躁不得睡屬黃家

按舌痿黃之舌字當是身字必傳寫之謬

註身痿而黃腹滿而躁不得睡者屬黃家之病在裏  
當下之也

集註徐彬曰腹滿裏證也乃有腹滿而加身痿黃躁不

得眠瘵熱外行此發黃之漸也故曰屬黃家

諸黃家病但利其小便假令脈浮者當以汗解之宜桂  
枝加黃耆湯主之

註  
諸黃家病謂一切黃家病也黃病無表裏證熱盛而渴者當清之濕盛小便不利者但當利其小便假令脈浮則為在表當以汗解之宜桂枝加黃耆湯於此推之可知脈沉在裏當以下解之也

集註

高世拭曰利小便乃黃家一定之法故曰諸病黃家但利小便然亦自有宜汗者故又曰假令脈浮為在表當以汗解之汗解之法宜桂枝加黃芪湯用桂枝湯以解肌肌解則汗自出加黃芪以助表

表和則榮衛亦通矣

桂枝加黃芪湯方

見水氣病中

師曰病黃疸發熱煩喘胸滿口燥者以病發時火劫其汗兩熱相得然黃家所得從濕得之一身盡發熱而黃肚熱熱在裏當下之

註此詳申黃疸誤用火汗之為病也病疸者濕熱也今濕淫於內則胸滿煩喘熱淫於內則發熱口燥若病發時復以火劫其汗則為兩熱相合蓋黃家

所得由濕得之則一身必盡熱而身面即發黃也  
今因火劫誤汗而發黃雖有表熱則不當汗也但  
捫其肚熱其熱在裏當下之以去其熱也

集註

程林曰濕淫於內則煩喘胸滿熱淫於內則發熱  
口燥復以火迫劫其汗反致兩熱相搏殊不知黃  
家之病必得之濕熱瘀於脾土故一身盡發熱而  
黃正以明火劫之誤也若肚有熱則熱在腹可下  
之以去其濕熱

黃疸腹滿小便不利而赤自汗出此為表和裏實當下  
之宜大黃硝石湯

註此承上條互詳其證以明其治也腹滿小便不利  
而赤是熱在裏其人自汗出此為表和裏實也宜  
大黃硝石湯下之

大黃硝石湯方

大黃

黃蘗

硝石

各四  
兩

梔子

十五  
枚

右三味以水六升煮取二升去滓內消更煮取一

升頓服

集解

李炫曰腹滿小便不利而赤裏病也自汗出表和也裏病者濕熱內甚用梔子清上焦濕熱大黃瀉中焦濕熱黃蘗清下焦濕熱消石則於苦寒瀉熱之中而有燥烈發散之意使藥力無所不至而濕熱悉消散矣

黃疸病茵陳五苓散主之

一本云茵陳湯及五苓散並主之

按 黃疸病之下當有小便不利者之五字茵陳五苓散方有着落必傳寫之遺

註 黃疸病脈沉腹滿在裏者以大黃消石湯下之脈浮無汗在表者以桂枝加黃芪湯汗之小便不利者不在表裏故以茵陳五苓散主之

茵陳五苓散方

茵陳蒿末 十分

五苓散 五分方見痰飲中

右二味和先食飲服方寸匕日三服

集解

尤怡曰此止治濕熱成疸者之法茵陳散熱鬱五苓利濕瘀也

黃疸病小便色不變欲自利腹滿而喘不可除熱熱除必噦噦者小半夏湯主之

註

黃疸病小便當赤今不赤而白且欲自利雖腹滿而喘是濕盛無熱陰黃證也切不可除熱若除熱以涼藥下之則胃必寒而作噦噦者主之以小半夏湯以止噦也

集註

李廷曰小便色不變欲自利裏無實可知腹滿而喘脾氣虛而肺氣不利耳用苦寒藥攻裏除熱則胃寒而虛氣上逆故噦宜小半夏湯散逆止噦高世拭曰小便色不變非赤也欲自利非下利也若腹滿而喘雖似裏實不可投寒劑以除熱如大黃消石湯不可用也若投寒劑而除熱則必噦噦呃逆也半夏生薑辛溫散寒故噦者當以小半夏湯主之也

小半夏湯方 見痰飲中

黃疸之病當以十八日為期治之十日以上瘥反劇為

難治

註 疸病屬脾脾主土土無定位寄旺於四季之末各

十八日期之十八日者土旺之日也故治十日以  
上當瘥而不踰十八日之外也若踰十八日不瘥  
而反劇者則土衰矣故曰難治

集註 高世栻曰十八日乃脾土寄旺於四季之期十日

土之成數也黃疸之病在於脾土故當以十八日為期然治之宜先故治之十日以上即當瘥至十日以上不瘥而疸病反劇者是謂難治謂土氣虛敗不可治也

穀疸之為病寒熱不食食即頭眩心胸不安久久發黃為穀疸茵陳蒿湯主之

註此詳申穀疸之為病也未成穀疸之時其人多病寒熱寒熱作時則不能食寒熱止時則或能食雖

能食然食後即頭暈目眩心煩不安此為濕痰熱鬱而內蒸將作穀疸之徵也久久身面必發黃為穀疸矣宜茵陳蒿湯利下使從大小二便而出之

茵陳蒿湯方

茵陳蒿 六兩

梔子 十四枚

大黃 二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色

正赤一宿腹減黃從小便去也

陽明病脈遲者食難用飽飽則發煩頭眩小便必難此欲作穀疸雖下之腹滿如故所以然者脈遲故也

註

穀疸屬胃熱脈當數今脈遲脾藏寒也寒不化穀所以雖饑欲食食難用飽飽則煩悶胃中填塞健運失常也清者阻於上升故頭眩濁者阻於下降故小便難也此皆欲作穀疸之徵其證原從太陰寒濕鬱躄而生若誤以為陽明熱濕發黃下之雖

腹滿暫減頃復如故所以然者脈遲寒故也此發  
明欲作穀疸屬脾陰寒化而不可下者也

集註

程林曰脈遲為寒寒不殺穀故食難用飽飽則穀  
氣不消胃中苦濁濁氣蘊蓄則發煩熏蒸則作眩  
也小便難者以脈遲則無陽以施化濁氣但留於  
胃而不宣是以欲作穀疸若下之徒虛其胃而腹  
滿如故也所以然者以脈遲為寒之故也

黃家日晡所發熱而反惡寒此為女勞得之膀胱急少

腹滿身盡黃額上黑足下熱因作黑疸其腹脹如水狀大便必黑時溏此女勞之病非水也腹滿者難治消石礬石散主之

註此詳申女勞疸之為病黃疸日晡所發熱乃陽明熱症當不惡寒也而反惡寒者非陽明熱症此或為女勞得之也女勞得之疸證雖膀胱急少腹滿而小便自利身雖盡黃而額上則黑雖發熱惟足下甚此少陰熱因作黑疸也故腹脹如水狀而大

便必黑時溏知非水脹病乃為女勞得之疸脹病也時溏黑色者亦藏病及血之徵也血病者顏必變豈有色黑而血不病者乎女勞疸腹滿者為難治以其脾腎兩敗也以消石入血消堅礬石入氣勝濕然此方治標固宜非圖本之治世久書譎姑辨其理也

集註

尤怡曰黃家日晡所本當發熱今發熱而反惡寒者此為女勞得之疸也熱在胃淺而腎深故熱深

則先反惡寒也膀胱急額上黑足下熱大便黑皆  
腎熱之徵雖少腹滿脹有如水狀而實為腎氣不  
行非脾濕而水不行也惟是證兼腹滿則脾腎並  
傷而其治為難耳硝石鹹寒除熱礬石除痼熱在  
骨髓骨與腎合用以清腎熱也大麥粥和服恐傷  
胃也

硝石礬石散方

硝石

礬石  
燒等分

右二味為散以大麥粥汁和服方寸匕日三服病  
隨大小便去小便正黃大便正黑是候也

男子黃小便自利當與虛勞小建中湯

註

婦人產後經崩發黃色者乃脫血之黃色非黃疸  
也今男子黃而小便自利則知非濕熱發黃也詢  
知其人必有失血亡血之故以致虛黃之色外現  
斯時汗下滲利之法俱不可施惟當與虛勞失血  
同治故以小建中湯調養榮衛黃自愈矣

集註

高世栻曰女為陰男為陽陰主血陽主氣男子黃陽氣虛也黃者土之色陽氣虛而土色外呈中無濕熱故小便自利此為虛也故當以小建中湯和其陰陽調其血氣也本論血痺虛勞篇有小建中湯主治虛勞故曰虛勞小建中意謂此男子黃而小便自利亦為虛勞之證云爾

小建中湯方

見虛勞中

酒黃疸者或無熱謔言小腹滿欲吐鼻燥其脈浮者先

吐之沉弦者先下之

註此詳申酒疸之為病也酒體濕而性熱過飲之人必生濕熱為疸病也無熱無外熱也謔語鼻燥有內熱也小腹滿濕熱畜於膀胱也欲吐濕熱釀於胃中也其脈浮者酒熱在經先吐之以解外也沉弦者酒飲在裏先下之以解內也

集註李昉曰胃足陽明之脈起於鼻之交頰中故鼻燥也

夫病酒黃疸必小便不利其候心中熱足下熱是其證也

註此詳酒疸之病濕熱生也必小便不利其候心中

熱胃府熱也足下熱胃經熱也是其酒疸之證也

集註程林曰夫小便利則濕熱行不利則濕留於胃胃

脈貫膈下足附上熏胃腕則心中熱下注足跗則

足下熱也

酒疸心中熱欲吐者吐之愈

註 此詳申酒疸宜吐之治也酒疸心中熱欲吐者謂胃中煩亂懊懷欲吐非吐之不能愈也

集註

程林曰後證熱深則懊懷欲吐今微熱則心中熱亦欲吐病屬上焦故吐之可愈也

酒黃疸心中懊懷或熱痛梔子大黃湯主之

註

此詳申酒疸宜下之治也酒黃疸謂因飲酒過度而成黃疸也心中懊懷欲吐或自吐之而愈或服梔子豉湯吐之而愈皆可也若心中懊懷不欲吐

或心中熱痛皆非吐之可愈故以梔子大黃湯下之愈也

梔子大黃湯方

梔子

十四枚

大黃

一兩

枳實

五枚

豉

一升

右四味以水六升煮取三升分溫二服

集解

魏荔彤曰酒黃疸心中懊懷或熱甚而痛梔子大

黃湯主之蓋為實熱之邪立法也酒家積鬱成熱

非此不除也

酒疸下之久久為黑疸目青面黑心中如噉蒜齏狀大便正黑皮膚爪之不仁其脈浮弱雖黑微黃故知之

註酒疸心中懊懷或心中熱痛脈沉實者當下之若心中熱欲吐脈浮弱者當吐之而反下之則為逆也若其人素有勞倦下之則熱入於脾項時腹滿如故則成穀疸也若其人素有女勞下之則熱入於腎雖黃微黑久久必變為黑疸也目青者精傷

也面黑者腎傷也心中如噉蒜薑狀胃傷也大便秘  
黑色血傷也皮膚不仁血痺也此等證皆因酒疸  
脈浮弱者應吐而反下之之誤使然也

集註

趙良曰酒疸之黑非女勞疸之黑也蓋女勞之黑  
腎氣所發也酒疸之黑敗血之黑也因酒之濕熱  
傷脾胃脾胃不和陽氣不化陰氣不運若更下之  
久久則運化之用愈耗矣氣耗血積故腐瘀濁色  
越出面為黑味變於心咽作嘈雜心辣如噉蒜薑

狀榮血衰而不行於皮膚抓之不仁輸於大腸便  
如黑漆其目青與脈浮弦皆血病也

諸黃猪膏髮煎主之

按諸黃謂一切黃也皆主猪膏髮煎恐未必盡然醫  
者審之此必有脫簡也

集註程林曰扁鵲有黃經明堂有烙三十六黃法皆後

人所未見唯聖濟總錄載三十六黃方論詳明治  
法始備今猪膏髮煎能治諸黃當是黃之輕者可

從小便而去至若陰黃急黃女勞之屬豈猪膏髮煎所能治乎醫者審之

猪膏髮煎方

猪膏

半斤

亂髮

如鷄子  
大三枚

右二味和膏中煎之髮消藥成分再服病從小便出

諸黃腹滿而嘔者宜柴胡湯

註嘔而腹痛胃實熱也然必有潮熱便鞭始宜大柴

胡湯兩解之若無潮熱便軟則當用小柴胡湯去黃芩加芍藥和之可也

集註

程林曰嘔而腹滿視其前後知何部不利利之則愈今黃家腹痛而嘔應內有實邪當是大柴胡湯以下之若小柴胡則可止嘔未可療腹痛也

柴胡湯方

見寒疝嘔吐中

嘔吐噦下利病脈證并治第十七

夫嘔家有癰膿不可治嘔膿盡自愈

註嘔家嘔吐或穀或水或痰涎或冷沫今嘔而有膿  
此內有癰膿潰而嘔非嘔病也故曰不可治嘔膿  
盡自愈

集註

趙良曰經云熱聚於胃口而不行胃脘為壅胃脘  
屬陽明經陽明氣逆則嘔故膿不自效出從嘔而  
出此癰之在胃脘上口者也若過半中在肺之下  
者膿則不從嘔出而從大便出矣

程林曰夫癰潰則為膿膿上出必令嘔故不必治

其嘔膿盡則嘔自止也

先嘔却渴者此為欲解先渴却嘔者為水停心下此屬飲家

註嘔病後渴飲而不嘔為胃氣和此欲解也因渴而後嘔嘔而復渴為水停心下此屬飲家之嘔非嘔病也

註集趙良曰嘔則飲去飲去則陽氣回津液猶未布故渴耳雖渴終以邪去正回而必解也先渴却嘔者

即前痰飲條中小半夏茯苓湯之證也

程林曰先嘔却渴者為嘔後而胃無津液得水扣之即愈先渴却嘔者本渴而飲水水停胃中作嘔也故屬水飲

尤怡曰嘔家必有停痰宿水先嘔却渴者痰水已去而胃氣將復也故曰此為欲解先渴却嘔者因熱飲水過多熱雖解而飲旋積也此嘔因積飲所致故曰此為飲家

嘔家本渴今反不渴者以心下有支飲故也此屬支飲  
註嘔病之人津液已傷本應渴也今反不渴者以心  
下素有支飲故也此屬支飲之嘔非嘔病也

集註

徐彬曰支飲者偏旁而不中正也

高世拭曰支飲者水氣循經屈曲支行其形如腫  
是也支飲而嘔故曰此屬支飲飲飲篇云嘔家本  
渴渴為欲解今反不渴心下有支飲故也小半夏  
湯主之

諸嘔吐穀不得下者小半夏湯主之

註此詳諸嘔吐之病以明其治也嘔者有聲有物之謂也吐者有物無聲之謂也凡諸嘔吐飲食不得下咽者主之小半夏湯降逆安胃也

集註趙良曰嘔吐穀不得下者有寒有熱不可概論也

食入即吐熱也朝食暮吐寒也此則非寒非熱由中焦停飲氣結而逆故用小半夏湯

沈明宗曰此痰飲多而致嘔之方也外邪內入而

嘔必自飲食稍進此痰飲多而外邪少拒格胸胃  
之間氣逆而穀不得入故用生薑散邪半夏以消  
痰飲而止嘔逆

小半夏湯方見痰飲中

嘔吐而病在膈上後思水者解急與之思水者猪苓散  
主之

註此詳申上條飲嘔以明其治也嘔吐病後則傷膈  
上津液若思水者急與飲之不復嘔吐者是病去

胃和自解也思水者與飲之而仍嘔吐者是病未除而有水飲也主之猪苓散者利水以止嘔吐也

集註

程林曰上章言先嘔却渴此為欲解今嘔吐而病

在膈上後思水者解亦與上證不殊故急與之以和胃然思水之人又有得水而貪飲則胃中熱少不能消水更與人作病故思水者用猪苓散以散水飲

魏荔彤曰嘔吐而病在膈上後思水者欲解之徵

也即論中所言先嘔後渴此為欲解之義也急與之嘔吐後傷津液水入而津液可復也若夫未曾嘔吐即思水者即論中所言先渴却嘔之證也是為水停心下應治其支飲而渴方愈也主以猪苓散利水補土以治濕邪者治渴而即以治上逆之嘔吐也

猪苓散方

猪苓

茯苓

白朮

各等分

右三味杵為散飲服方寸匕日三服

嘔而發熱者小柴胡湯主之

註嘔而腹滿是有裏也主之大柴胡湯攻裏以止嘔

也今嘔而發熱是有表也主之小柴胡湯和表以止嘔也

集註

程林曰經曰嘔而發熱者柴胡湯證具夫嘔家未  
有發熱者以發熱屬半表半裏故與小柴胡湯以

和之

李廷曰傷寒發熱者為表證然邪欲侵裏裏氣拒而不納則逆而作嘔此半表半裏證也小柴胡為治半表半裏和解之劑

小柴胡湯方

柴胡 半斤

黃芩 三兩

人參 三兩

甘草 三兩

半夏 半升

生薑 三兩

大棗

十二枚

右七味以水一斗二升煮取六升去滓再煎取三

升溫服一升日三服

嘔而脈弱小便復利身有微熱見厥者難治四逆湯主之

註 嘔而心煩心中懊懷內熱之嘔也今嘔而脈弱正氣虛也小便復利中寒盛也身有微熱而復見厥曰難治者此為寒盛格熱於外非嘔而發熱者比

故以四逆湯勝陰回陽也

集註

高世栻曰嘔者水去寒猶在上小便當少今復利者寒亦在下也脈弱者氣衰於內身微熱者格陽於外嘔證如是則上下寒而內外虛若見手足逆冷而厥者則表裏陰陽之氣不相順接故為難治四逆湯主之生附子壯火回陽以治厥乾薑溫脾煖胃以治嘔甘草安中調上下以治內外也

### 四逆湯方

附子

一枚  
生用

乾薑

一兩  
半

甘草

二兩  
炙

右三味以水三升煮取一升二合去滓分溫再服

強人可大附子一枚乾薑三兩

嘔而胸滿者茱萸湯主之

註嘔逆之氣上衝於胸胸中氣實則不受邪必不滿也若胸中氣虛客寒邪氣得以留連故胸滿也主之吳茱萸湯補正氣降邪氣也

集註

徐彬曰胸乃陽位嘔為陰邪使胸之陽氣足以禦之則不嘔嘔亦胸中無恙也乃嘔而胸滿是胸虛邪客不但胃不和矣虛邪屬陰故以吳茱萸之苦辛溫善驅濁陰者為君人參補虛為佐而以薑棗宣發上焦之正氣也

茱萸湯方

吳茱萸 一升

人參 三兩

生薑 六兩

大棗 十二枚

右四味以水五升煮取三升溫服七合日三服  
嘔而腸鳴心下痞者半夏瀉心湯主之

註 嘔而腸鳴腸虛而寒也嘔而心下痞胃實而熱也  
並見之乃下寒上熱腸虛胃實之病也故主之半  
夏瀉心湯用參草大棗以補正虛半夏以降客逆  
乾薑以勝中寒芩連以瀉結熱也

集註

程林曰嘔而腸鳴心下痞者此邪熱乘虛而客於  
心下故用芩連泄熱除痞乾薑半夏散逆止嘔內

經曰脾胃虛則腸鳴又曰中氣不足腸為之苦鳴  
人參大棗甘草用以補中而和腸胃

半夏瀉心湯方

半夏半升  
洗

黃芩

乾薑

人參各三  
兩

黃連一兩

大棗十二  
枚

甘草三兩  
炙

右七味以水一斗煮取六升去滓再煮取三升溫

服一升日三服

乾嘔吐逆吐涎沫半夏乾薑散主之

註  
有聲有物謂之嘔有聲無物謂之噦即乾嘔也今  
有聲無物而吐涎沫故曰乾嘔吐逆吐涎沫也乾  
嘔吐酸苦胃中熱也乾嘔吐涎沫胃中寒也主之  
半夏乾薑散溫中止嘔也

半夏乾薑散方

半夏

乾薑 等分

右二味杵為散取方寸七漿水一升半煎取七合頓服之

乾嘔吐涎沫頭痛者茱萸湯主之

註乾嘔吐涎沫者以半夏乾薑散溫中止嘔也若更頭痛此屬寒氣盛而逆之甚也故用吳茱萸湯溫寒下氣大折衝逆之勢也

集徐彬曰上焦有寒其口多涎上焦既有寒邪格陽在上故主頭痛用吳茱萸溫補以驅濁陰也

李昶曰太陰少陰經從足至胸俱不上頭二經並  
無頭痛證厥陰經上出額與督脈會於巔故乾嘔  
吐涎沫者裏寒也頭痛者寒氣從經脈上攻也不  
用桂附用吳茱萸者以其入厥陰經故耳餘皆溫  
補散寒之藥

乾嘔而利者黃芩加半夏生薑湯主之

註 乾嘔者胃氣逆也若下利清澈乃腸中寒也今下  
利濁粘是腸中熱也故用黃芩湯以治其利合半

夏生薑湯以治乾嘔也

集註

程林曰中焦不和則氣逆於上而作嘔迫於下而為利故用半夏生薑入上焦而止嘔甘草大棗入中焦而和脾黃芩芍藥入下焦而止利如是則正氣安而邪氣去三焦和而嘔利止矣

魏荔彤曰此嘔為熱逆之嘔利為挾熱之利

黃芩加半夏生薑湯方

黃芩

三兩

甘草

二兩炙

芍藥

二兩

半夏

半升

生薑

三兩

大棗

十二枚

右六味以水一斗煮取三升去滓溫服一升日再  
夜一服

食已即吐者大黃甘草湯主之

註

吐者有物無聲之謂也朝食暮吐者寒也食已即  
吐者火也以寒性遲火性急也故以大黃甘草湯  
緩中瀉火火平自不吐也

集註

王肯堂曰病人欲吐者不可下之又用大黃甘草  
治食已即吐何也曰欲吐者其病在上因而越之  
可也而逆之使下則必抑塞憤亂而益甚故禁之  
若既已吐矣吐而不已者有升無降則當逆而折之  
引令下行無速於大黃故取之也

程林曰經云諸逆冲上皆屬於火食已即吐是胃  
熱上逆而不能容食與反胃寒嘔水飲不同故用  
是湯以平胃熱

高世栻曰食已即吐者非宿穀不化之胃反乃火熱攻冲之吐逆

大黃甘草湯方

大黃

四兩

甘草

一兩

右二味以水三升煮取一升分溫再服

病人欲吐者不可下之

註病人欲吐上越之勢方盛故不可下之若病人吐

後其勢衰矣因其衰而濟之故已吐有可下之法

也

集註

徐彬曰治病之法貴因勢利導故內經曰在工者越之在下者竭之今病欲上吐不可強之使下凡病皆然故曰病人欲吐者不可下之

程林曰按欲字乃吐而未吐之義

病人胸中似喘不喘似嘔不嘔似噦不噦徹心中憤憤然無奈者生薑半夏湯主之

註此承上條詳申欲吐之狀以明其治也喘者呼吸

氣急也似喘不喘謂胸中似喘之不快而不似喘之氣急也嘔者吐物而有聲也似嘔不嘔謂似作嘔之狀而不似嘔之有物也噦者乾嘔也似噦不噦謂似乎噦之有聲而不似噦之聲連連也胸徹心中憤憤然無奈者總形容似喘不喘似嘔不嘔似噦不噦心中憤亂無奈懊懷欲吐之情狀也故以半夏降逆生薑安胃也

集注

沈明宗曰似喘不喘似嘔不嘔似噦不噦誠不是

喘不是嘔不是噦也徹者通也竟是通心中憤憤  
然無奈即泛泛惡心之義也

生薑半夏湯方

半夏 半升

生薑汁 一升

右二味以水三升煮半夏取二升內生薑汁煮取  
一升半小冷分四服日三夜一服止停後服

集解

李昶曰生薑半夏辛溫之氣足以散水飲而舒陽  
氣然待小冷服者恐寒飲固結於中拒熱藥而不

納反致嘔逆今熱藥冷飲下噎之後冷體既消熱性便發情且不違而致大益此內經之旨也此方與前半夏乾薑湯畧同但前溫中氣故用乾薑此散停飲故用生薑前因嘔吐上逆頓服之則藥力猛峻足以止逆降氣嘔吐立除此心中無奈寒飲內結難以猝消故分四服使胸中邪氣徐徐散也吐後渴欲飲水而貪飲者文蛤湯主之兼主微風脈緊頭痛

按文蛤湯主之五字當在頭痛之下文義始屬是傳寫之譌兼主之主字衍文也

註吐後而渴當少少與飲之胃和吐自止也若恣意貪飲則新飲復停而吐必不已也當從飲吐治之若兼感微風脈必緊頭必痛主之文蛤湯者是治渴兼治風水也故以越婢湯方中加文蛤越婢散風水也文蛤治渴不已也

集註程林曰貪飲者飲水必多則滯溢上焦必有溢

飲之患故用此湯以散水飲方中皆辛甘發散之藥故亦主微風脈緊頭痛

文蛤湯方

文蛤 五兩

麻黃

甘草

生薑 各三兩

石膏 五兩

杏仁 五十個

大棗 十二枚

右七味以水六升煮取二升溫服一升汗出即愈

集解

李炫曰文蛤湯即大青龍湯去桂枝乃發汗之劑使水飲從毛竅中泄去以散水飲於外經云開鬼門潔淨府此一方兩得之以內有麻黃生薑等解表藥故兼主微風脈緊頭痛

問曰病人脈數數為熱當消穀引食而反吐者何也師曰以發其汗令陽氣微膈氣虛脈乃數數為客熱不能消穀胃中虛冷故也脈弦者虛也胃氣無餘朝食暮吐變為胃反寒在於上醫反下之今脈反弦故名曰虛

按問曰病人脈數至胃中虛冷故也等句已詳傷寒論陽明篇內錯簡在此且與脈弦者虛也文義不屬

註弦飲脈也非虛脈也病吐者若見之則為胃氣無餘也胃氣無餘肝邪乘之而見弦脈故名曰虛也詢其所以致弦之由乃為寒在上醫反下之使胃氣盡而無餘則不能消化水穀致令朝食暮吐暮食朝吐變為中寒胃反也

集注

李廷曰食不得入是有火也食入反出是無火也  
此寒在上者法當溫中始愈反下之則愈虛寒而  
愈吐矣

寸口脈微而數微則無氣無氣則榮虛榮虛則血不足  
血不足則胸中冷

按此條文義不屬必是錯簡

跌陽脈浮而濇浮則為虛虛則傷脾脾傷則不磨朝食  
暮吐暮食朝吐宿穀不化名曰胃反脈緊而濇其病難

治

按  
虛則傷脾之虛字當是瀆字是傳寫之譌

註  
前條因誤下而病胃反則衄茲此條不因誤下而  
病胃反則衄浮而瀆也跌陽衄見浮而瀆浮以候  
胃瀆以候脾浮而無力為胃虛瀆而無力為傷脾  
胃虛脾傷則不能消磨水穀故朝食暮吐暮食朝  
吐所吐皆仍然不化之宿穀故曰胃反也若衄緊  
瀆則為邪盛正衰故其病難治也

集註 徐彬曰緊為寒盛瀆為液竭正不勝邪故曰難治  
胃反嘔吐者大半夏湯主之

註 此承上條以明其治也胃反嘔吐者謂朝食暮吐  
暮食朝吐之嘔吐也主之大半夏湯者補脾胃止  
嘔吐也

### 大半夏湯方

半夏

二升洗  
澆用

人參 三兩

白蜜

一升

右三味以水一斗二升和蜜揚之二百四十遍煮藥取一升半溫服一升餘分再服

千金方云大半夏湯治胃反不受食食入即吐

外臺方云大半夏湯治嘔心下痞鞭者

集解高世拭曰朝食暮吐宿穀不化名曰胃反胃反但

吐不嘔然吐不離乎嘔故曰胃反嘔吐者用半夏助燥氣以消穀人參補元氣以安胃白蜜入水揚之使甘味散於水中水得蜜而和緩蜜得水而淡

滲庶胃反平而嘔吐愈

李升璽曰嘔家不宜甘味此用白蜜何也不知此胃反自屬脾虛經所謂甘味入脾歸其所喜是也况君以半夏味辛而止嘔佐以人參溫氣而補中胃反自立止矣

胃反吐而渴欲飲水者茯苓澤瀉湯主之

註胃反吐而不渴者寒也渴欲飲水者飲也故以茯苓澤瀉湯補陽利水也

茯苓澤瀉湯方

茯苓 半斤

澤瀉 四兩

甘草 二兩

桂枝 二兩

白朮 三兩

生薑 四兩

右六味以水一斗煮取三升內澤瀉再煮取二升

半溫服八合日三服

外臺方云茯苓澤瀉湯治消渴胃反脈絕

集解 李昉曰吐而渴者津液亡而胃虛燥也飲水則水

停心下茯苓澤瀉降氣行飲白朮補脾生津此五  
苓散原方之義也然胃反因脾氣虛逆故加生薑  
散逆甘草和脾又五苓散治外有微熱故用桂枝  
此胃反無表熱而亦用之者桂枝非一於攻表藥  
也乃微上徹下達表裏為通行津液和陽散水之  
劑也

尤怡曰茯苓澤瀉湯治吐未已而渴欲飲水者以  
吐未已知邪未去則宜桂枝甘薑散邪氣茯苓澤

瀉消水氣也

噦逆者橘皮竹茹湯主之

註噦即乾嘔也因其有噦噦之聲而無他物故不曰乾嘔而曰噦逆屬氣上逆為病也上逆之氣得出上竅皆能作聲故肺虛氣上逆則作欬氣從喉出而有欬逆之聲若為邪所阻則為喘滿故無聲也胃虛氣上逆則作噦氣從咽出而有噦逆之聲若與物凝結則為痞痛故無聲也是知氣病也明矣

然邪氣所湊正氣必虛故用橘皮竹茹生薑以清  
邪氣人參甘草大棗以補正氣則上逆之氣自可

順矣

橘皮竹茹湯方

橘皮 二斤

竹茹 二升

大棗 三十  
枚

生薑 半斤

甘草 五兩

人參 一兩

右六味以水一斗煮取三升溫服一升日三服

集解

李炆曰噦有屬胃寒者有屬胃熱者此噦逆因胃

中虛熱氣逆所致故用人參甘草大棗補虛橘皮  
生薑散逆竹茹甘寒疏逆氣而清胃熱因以為君  
尤怡曰胃虛而熱乘之則作噦逆橘皮生薑和胃  
散逆竹茹除熱止噦噦人參甘草大棗益虛安中  
也

乾嘔噦若手足厥者橘皮湯主之

註乾嘔噦猶言乾嘔即噦也東垣以乾嘔為輕噦為

重識仲景措辭之意也噦而手足厥乃胃陽虛是  
吳茱萸湯證也若初病形氣俱實雖手足厥非陽  
虛陰盛者比乃氣閉不達於四肢也故單以橘皮  
通氣生薑止噦也

集註

程林曰乾嘔噦則氣逆於胸膈間而不行於四末

故手足為之厥橘皮能降逆氣生薑嘔家聖藥小  
劑以和之也然乾嘔非反胃厥非無陽故下咽氣  
行即愈

橘皮湯方

橘皮 四兩

生薑 半斤

右二味以水七升煮取三升溫服一升下咽則愈  
噦而腹滿視其前後知何部不利利之即愈

註噦虛邪也噦而不腹滿者為正氣虛兼有熱者以  
橘皮竹茹湯主之兼有寒者以吳茱萸湯主之噦  
而腹滿者為邪氣實當視其二便大便不利者下  
之小便不利者通之即愈也

集註 朱肱曰前部不利猪苓湯後部不利調胃承氣湯

趙良曰腹滿為實實則氣上逆而作噦故必視其前後何部不利而利之則滿去而噦止

魏荔彤曰胃氣上逆冲而為噦治法當視其前後審大小便調不調也前部不利者水邪之逆也當利其小便而噦愈後部不利者熱邪實也當利其大便而噦愈

夫六府氣絕於外者手足寒上氣脚縮五藏氣絕於內

者利不禁下甚者手足不仁

註氣絕非謂脫絕乃謂虛絕也六府之氣陽也陽氣虛不溫於外則手足寒縮陽虛則陰盛上逆故嘔吐噦也五藏之氣陰也陰氣虛不固於中則下利不禁利甚則中脫形衰故手足不仁也此發明嘔吐下利之原委也

下利清穀裏寒外熱汗出而厥者通脈四逆湯主之

註下利清穀裏寒也外熱汗出而厥陽亡也主之以

通脈四逆湯回陽勝寒而利自止也

通脈四逆湯方

附子

大者一枚 生用

乾薑

三兩 強人可四兩

甘草

二兩炙

右三味以水三升煮取一升二合去滓分溫再服

下利手足厥冷無脈者灸之不溫若脈不還反微喘者死少陰負趺陽者為順也

按此條反微喘者死之下有少陰負趺陽者為順也

一句文義不屬其註已詳見傷寒論辨脈篇內不復釋

註下利手足厥冷脈絕無者有陰無陽之脈証也雖用理中四逆輩恐其緩不及事急灸臍下以通其陽若脈還手足溫者生脈不還手足不溫反微喘者陽氣上脫也故死

集註程林曰下利而至於手足厥冷無脈則獨陰無陽灸之以復其陽而脈絕不來反微喘者則正氣又

脫於上孤陽無根故死

下利氣者當利其小便

註下利氣者初利則為氣鬱於大腸而不外滲水氣併下但當利其小便輸其滲瀉之竅氣宣而利止也久利則為氣陷於大腸而不上舉又當於升補中兼利小便也

集尤怡曰下利氣者氣隨利失即所謂氣利是也

氣利訶黎勒散主之

註氣利所下之氣穢臭所利之物稠粘則為氣滯不  
宣或下之或利之皆可也若所利之氣不臭所下  
之物不粘則謂氣陷腸滑故用訶黎勒散以固腸  
或用補中益氣以舉陷亦可

訶黎勒散方

訶黎勒十枚

煨

右一味為散粥飲和頓服

集解李炆曰氣利者下利氣虛下陷而滑脫也訶黎勒

性斂澁能溫胃固腸粥飲和者假穀氣以助胃頓服者藥味併下更有力也

尤怡曰氣利氣與屎俱失也訶黎勒瀉腸而利氣粥飲安中益腸胃頓服者補下治下制以急也

若下利脈數有微熱汗出令自愈設脈緊為未解

註下利脈數內熱利也微熱汗出其邪衰矣故令自愈設脈緊者是表未衰故為未解也

集註程林曰寒則下利脈數有微熱則裏寒去汗出則

表氣和表裏俱和故令自愈設復緊者知寒邪尚在是為未解也

下利有微熱而渴脈弱者令自愈

註下利大熱而渴則為邪盛脈弱則為止虛不能愈也今微熱而渴脈弱者邪止俱衰故知自愈也

集註

程林曰下利大熱而渴則偏於陽無熱不渴則偏

於陰皆不能愈以微熱而渴知陰陽和脈弱知邪氣故即自愈

下利脈數而渴者令自愈設不差必清膿血以有熱故也

註此承上條邪正俱衰病當自愈而不愈之義也設不差者則必表和熱退而數渴仍然是裏熱未除也故圓膿血

集註魏荔彤曰下利固以陽氣有餘為吉又不可太盛成熟邪傷陰致陽復有偏勝之患

下利寸脈反浮數尺中自濇者必清膿血

註此承上表裏已和病當自愈而不愈之義也下利裏病而得浮數表脈故曰脈反浮數也但尺中自濇則知熱陷血分必圜膿血也

集註

徐彬曰下利屬寒脈應沉遲反浮數其陽勝可知而尺中自濇濇為陽邪入陰此亦熱多故曰必圜

膿血

程林曰寸脈浮數為熱有餘尺脈自濇為血不足以熱有餘則挾熱而便膿血

下利三部脈皆平按之心下堅者急下之宜大承氣湯  
註下利之人心下鞭者諸瀉心湯證也若寸關尺三  
部脈皆平實有力雖下利宜攻堅也

集註

李昶曰下利按之心下堅者實也設或脈見微弱  
猶未可下今三部脈皆平則裏氣不虛可知自宜  
急下之此憑脈又憑證之法也

大承氣湯方

見瘕病中

下利脈遲而滑者實也利未欲止急下之宜大承氣湯

註 衄遲不能兼滑惟浮取之遲沉取之滑則有之矣  
今下利衄遲而滑謂浮遲而沉滑也浮遲則外和  
沉滑則內實欲止內實之下利當下之積去則止  
宜大承氣湯

集註

尤怡曰衄遲為寒然與滑俱見則不為寒而反為  
實以中實有物能阻其衄遲行夫利因實而致者  
實不去則利不止故宜急下

下利衄反滑者當有所去下乃愈宜大承氣湯

註下利衄反滑者是病虛衄實不相宜也若其人形

氣如常飲食如故乃有當去之積未去也下之乃

愈宜大承氣湯

集註

趙良曰下利虛證也衄滑實衄也以下利之虛證而反見滑實之衄故當有所去也

程林曰經云滑為有宿食故當下去之而利自止下利已差至其年月日時復發者以病不盡故也當下之宜大承氣湯

註下利差後至其或年或月或日而復發其利者此

宿食積病攻之不盡故也若其人形氣不衰飲食尚強當攻其未盡自不復發其利也宜大承氣湯

集註沈明宗曰此舊積之邪復病也下利差後至其年

月日時復發者是前次下利之邪隱僻腸間今值藏府司令之期觸動舊邪而復發然隱僻之根未除終不能愈故用大承氣迅除之耳

下利譫語者有燥屎也小承氣湯主之

註下利裏虛證也。譫語裏實證也。何以決其有燥屎也。若脈滑數知有宿食也。其利穢粘知有積熱也。然必脈證如此始可知其有燥屎也。宜下之。以小承氣湯於此推之而燥屎又不在大便鞭不鞭也。

集註李廷曰經云實則譫語故知有燥屎宜下

### 小承氣湯方

大黃

四兩

厚朴

三兩

枳實

大者三枚

右三味以水四升煮取一升二合去滓分溫二服  
得利則止

下利脈反弦發熱身汗者自愈

註下利脾病也弦肝脈也脾病不當見弦脈故曰脈  
反弦也下利裏病也發熱表證也若發熱身汗則  
為表與裏和雖脈弦亦可自愈也

下利脈沉弦者下重脈大者為未止脈微弱數者為欲  
自止雖發熱不死

註 沉主裏弦主急下重後重也下利脈沉弦者故裏  
急後重也滯下之證發熱脈大則邪盛為未已也  
脈微弱數者則邪衰病當自止雖發熱不死也由此  
可知脈大身熱者死也

熱利下重者白頭翁湯主之

註此承上條以明其治也下利膿血裏急後重積熱  
已深故以白頭翁湯大苦大寒寒能勝熱苦能燥  
濕濕熱去下重自除矣

集註 程林曰熱利下重則熱迫於腸胃非苦不足以堅  
下焦非寒不足以除熱故加一熱字別已上之寒  
利

尤怡曰此證濕熱下注故用白頭翁湯苦以除濕  
寒以勝熱也

白頭翁湯方

白頭翁

黃連

黃蘗

秦皮 各三兩

右四味以水七升煮取二升去滓溫服一升不愈更服

下利便膿血者桃花湯主之

註初病下利便膿血者大承氣湯或芍藥湯下之熱盛者白頭翁湯清之若日久滑脫則當以桃花湯養腸固脫可也

桃花湯方

赤石脂

一斤 一半剉  
一半篩末

乾薑

一兩

粳米 一升

右三味以水七升煮米令熟去滓溫七合內赤石脂末方寸匕日三服若一服愈餘勿服

下利清穀不可攻其表汗出必脹滿

註 詳見傷寒論太陰篇內不復釋

下利脈沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

註  
詳見傷寒論厥陰篇內不復釋

下利腹脹滿身體疼痛者先溫其裏乃攻其表溫裏宜  
四逆湯攻表宜桂枝湯

註  
詳見傷寒論太陰篇內不復釋

桂枝湯方

桂枝 三兩

芍藥 三兩

甘草 三兩

生薑 三兩

大棗 十二枚

右五味呔咀以水七升微火煮取三升去滓適寒  
溫服一升服已須臾啜熱稀粥一升以助藥力溫  
覆令一時許遍身熱熱微似有汗益佳不可令如  
水淋漓若一服汗出病差停後服

下利後更煩按之心下濡者為虛煩也梔子豉湯主  
之

註  
詳見傷寒論太陽中篇不復釋

梔子豉湯方

梔子

十四枚

香豉

四合綿裹

右二味以水四升先煮梔子得二升半內豉煮取一升半去滓分二服溫進一服得吐則止

下利肺痛紫參湯主之

按此文脫簡不釋

紫參湯方

紫參

半斤

甘草

三兩

右二味以水五升先煮紫參取二升內甘草煮取

一升半分溫三服

瘡癰腸癰浸淫病脈證并治第十八

諸浮數脈應當發熱而反洒淅惡寒若有痛處當發其  
癰

註諸浮數脈謂寸關尺六脈俱浮數也浮脈主表數  
脈主熱若是表邪則當發熱而洒淅惡寒也今非  
表邪應當發熱不當惡寒若有痛處乃當發癰之  
證非表邪之證也

集注周揚俊曰病之將發脈必兆之夫浮數陽也熱也

浮數兼見為陽中之陽是其熱必盡顯於外矣而反洒淅惡寒證不相應何哉必其氣血凝滯榮衛不和如經所謂榮氣不從逆於肉理乃生癰腫陽氣有餘榮氣不行乃發為癰是也况其身已有痛處乎夫脈之見者陽也其將發而痛者亦屬陽故曰當發其癰

師曰諸癰腫欲知有膿無膿以手掩腫上熱者為有膿

不熱者為無膿

註 諸癰腫者謂諸陰陽癰腫也不論陰陽凡諸癰腫  
欲知有膿無膿當以手掩之腫上熱則能腐化成  
膿故熱者為有膿不熱者為無膿也

集註 周揚俊曰師之所以教人知癰已成欲其潰未成  
托之起也

腸癰之為病其身甲錯腹皮急按之濡如腫狀腹無積  
聚身無熱脈數此為腸內有癰膿薏苡附子敗醬散主

之

註癰生於內則氣血為癰所奪不能外榮肌膚故枯  
皴如甲錯也腹皮急似腫脹但按之軟詢之腹無  
積聚審之身無表熱診之脈數非有外證也此為  
腸內有癰膿也主之薏苡附子敗醬散流通腸胃  
消癰腫也

薏苡附子敗醬散方

薏苡仁 十分

附子 二分

敗醬

五分一  
名苦菜

右三味杵為末取方寸匕以水二升煎減半頓服  
小便當下

集解

徐彬曰薏苡寒能除熱兼下氣勝濕利腸胃破毒腫敗醬善排膿破血利結熱毒氣故以為臣附子

導熱行結故為反佐

腸癰者少腹腫痞按之即痛如淋小便自調時時發熱自汗出復惡寒其脈遲緊者膿未成可下之當有血脈

洪數者膿已成不可下也大黃牡丹湯主之

註此承上條詳發其證以明其治也腸癰者其證則少腹腫硬按之即痛可知癰在內也溺時如淋尿色自調可知腫碍之也時時發熱汗出惡寒似有表病而實非表病也其脈遲緊則陰盛血未化其膿未成可下之大便當有血也若其脈洪數則陽盛血已腐其膿已成不可下也下之以大黃牡丹湯消瘀瀉熱也

大黃牡丹湯方

大黃 四兩

牡丹 一兩

桃仁 五十個

芒硝 三合

瓜子 半升

右五味以水六升煮取一升去滓內芒硝再煎沸  
頓服之有膿當下如無膿當下血

集解 李昉曰大黃芒硝泄熱桃仁行瘀丹皮逐血痺去

血分中伏火瓜子主潰膿血

問曰寸口脈微而濇法當亡血若汗出設不汗者云何  
答曰若身有瘡被刀斧所傷亡血故也

註 脈微氣奪也 脈濇血奪也 故曰法當亡血汗出也  
設無亡血汗出等病則必身有瘡被刀斧所傷亡  
血故也

集註 李炫曰汗出亡陽則脈微亡血傷陰則脈濇微與  
濇皆陰脈也設不汗而瘡瘍金瘡雖不亡陽而亡  
血故亦見微濇之脈也總是榮衛虛衰之故

病金瘡王不留行散主之

註此承上條以明其治也金瘡謂刀斧所傷之瘡也  
亡血過多經絡血虛風寒易得干之故用王不留  
行散一以止血出一以防外邪也小瘡粉之即外  
敷也

王不留行散方

王不留行

十分八月  
八日採

蒴藿細葉

十分七月  
七日採

桑東南根

白皮十分三  
月三日採

甘草

十八分

川椒

三分除目及  
閉口去汗

黃芩

二分

乾薑

二分

芍藥

二分

厚朴

二分

右九味桑根皮以上三味燒灰存性勿令灰過各  
別杵篩合治之為散服方寸匕小瘡即粉之大瘡  
但服之產後亦可服如風寒桑東根勿取之前三  
物皆陰乾百日

集解徐彬曰此乃概治金瘡方也蓋王不留行性苦平

能通利血脉故反能止金瘡血逐痛蒴藿亦通利  
氣血尤善開痺周身肌肉肺主之桑根白皮最利  
肺氣東南根向陽生氣尤全以復肌肉之主氣故  
以此三物甚多為君甘草解毒和榮尤多為臣椒  
薑以養其胸中之陽厚朴以疏其內結之氣芩芍  
以清其陰分之熱為佐若有風寒此屬經絡客邪  
桑皮止利肺氣不能逐外邪故勿取

浸淫瘡從口流向四肢者可治從四肢流來入口者不

可治

註浸淫瘡者浸謂浸淫謂不已謂此瘡浸淫留連不已也從口流向四肢者輕以從內走外也故曰可治從四肢流走入口者重以從外走內也故曰不可治浸淫者猶今之癩癘之類

浸淫瘡黃連粉主之

按此承上條以明其治黃連粉方脫簡

集解尤怡曰黃連粉方未見大意以此為濕熱浸淫之

病故取黃連一味為粉粉之苦以燥濕寒以除熱也

跌蹙手指臂腫轉筋陰狐疝虻蟲病衄證并治第九

師曰病跌蹙其人但能前不能却刺腠入二寸此太陽經傷也

按證刺俱未詳必有缺文不釋

病人常以手指臂腫動此人身體閼閼者藜蘆甘草湯

主之

按證未詳方亦缺不釋

藜蘆甘草湯方缺

轉筋之為病其人臂脚直脈上下行微弦轉筋入腹者  
雞屎白散主之

註臂同背古通用臂脚直謂足背強直不能屈伸是  
轉筋之證也脈上下行謂迢迢長直微弦不和是  
轉筋之脈也中寒之人外寒盛則手足拘急轉筋

痛不能忍甚者入腹則牽連少腹拘急而痛也主  
之雞屎白散以治風寒痺氣之在筋也

雞屎白散方

雞屎白

右一味為散取方寸匕以水六合和溫服  
陰狐疝氣者偏有大小時時上下蜘蛛散主之

註偏有大小謂臬丸左右有大小也時時上下謂臬  
丸入腹時出時入也疝厥陰之病也以與狐情狀

相類故名之也主之蜘蛛散入肝以治少腹拘急而痛也

集註趙良曰鞞丸上下有若狐之出入無時也故曰狐

疝

李昉曰偏有大小以鞞丸言時時上下以鞞丸入小腹出囊中言

尤怡曰陰狐疝氣者寒濕襲陰而鞞丸受病或左或右大小不同或上或下出沒無時故名狐

疝

蜘蛛散方

蜘蛛

十四枚  
熬煎

桂枝 半兩

右二味為散取八分一七飲和服日再服蜜丸亦可

集解尤怡曰蜘蛛有毒服之能令人利合桂枝辛溫入陰而逐其寒濕之氣也

問曰病腹痛有蟲其脈何以別之師曰腹中痛其脈當

沉若弦反洪大故有虺蟲

按腹痛有蟲以洪大脈別之未詳必有缺文不釋

虺蟲之為病令人吐涎心痛發作有時毒藥不止甘草粉蜜湯主之

註虺蟲即今之人所名食蟲也虺蟲之為病發作有時發則令人吐涎心痛欲死即服攻下毒藥非積之痛乃蟲之痛故不能止也主之甘草粉蜜湯者以蟲得甘蜜而上得鉛粉而殺從治之法也

集註

徐彬曰發作有時謂不恒痛也則與虛寒之綿綿而痛者異矣毒藥不止則必治氣治血攻寒逐積之藥俱不應矣故以甘草粉蜜主之白粉殺蟲甘草與蜜既以和胃又以誘虻也

李炆曰靈樞云虻動則胃緩胃緩則廉泉開故涎下令人吐涎也虻上入膈心在膈上故心痛須臾下膈則痛止故發作有時也廉泉任脈穴名在頷下骨尖中

甘草粉蜜湯方

甘草二兩

粉一兩

蜜四兩

右三味以水三升先煮甘草取二升去滓內粉蜜攪令和煎如薄粥溫服一升差即止

集解李昉曰虻得甘則動其性喜故也胡粉有毒能殺

蟲置粉於甘草蜜湯中誘虻食之也

虻厥者當吐虻今病者靜而復時煩此為藏寒虻上入

膈故煩須臾復止得食而嘔又煩者虻聞食臭出其人當自吐虻厥者烏梅丸主之

按此為藏寒之此字當是非字若是此字即是藏厥與辨虻厥之義不屬

註虻厥者謂虻痛手足厥冷也若藏寒痛厥則不吐虻此虻厥藏寒之所由分也靜而時煩乃虻上入其膈故煩須臾復止得食又吐又煩是虻聞食臭出故也主之烏梅丸者以虻得酸則靜得辛則伏

得苦則下方中大酸大辛大苦信為治蟲之要劑也

烏梅丸方

烏梅

三百箇

細辛

六兩

乾薑

十兩

黃連

一斤

當歸

四兩

附子

六兩  
炮

川椒

四兩  
去汗

桂枝

六兩

人參

六兩

黃蘗

六兩

右十味異搗篩合治之以苦酒漬烏梅一宿去核  
蒸之五升米下飯熟搗成泥和藥令相得內臼中  
與蜜杵二千下圓如梧子大先食飲服十九日三  
服稍加至二十九禁生冷滑臭等食

集解

李昉曰烏梅味酸黃連黃蘗味苦桂枝蜀椒乾薑  
細辛味辛以虵得酸則止得苦則安得甘則動於  
上得辛則伏於下也然胃氣虛寒人參附子以溫  
補之吐亡津液當歸以辛潤之則虵厥可愈矣

乾  
坤  
廣  
濟

御纂醫宗金鑑卷二十二